

151 117

QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM DIE IOVIS II. IANVARII.

M. GILBERTO PVYLON, Doctore Medico, Præside.

An cecitas individuus variorum morborum affecta?

I.

ANIMA rationalis corpori mancipata, substantia est incorporea, senij ut interitus nescia, re simplex, virtute multiplex, omnium suarum facultatum stipata satellitio semper & ubique suas omnes nata obire functiones, ubique non obit. In cerebro imaginatur, intelligit, non in corde; in aure non videt, sed in oculo; non semper: verum ubi sic se habent omnia, ut nihil illi desit eorum, quæ ad visum concurrunt & conferunt. Concurrent obiectum proprium & commune per unam eandemque speciem, oculus per illius receptionem & perceptionem, confert medium tanquam vehiculum illi transitum præbens; id corpus est, (non vacuum) perspicuum, non omne perinde, & motus expers. obiectum proprium lux & color, neutrum intentius: illa quò remissior & medium tenebris magis obstitum, visus aciem ferit potentiùs, etiam eminùs; eo illustrato non sentitur (tamen si careat contrario) hic secus ex diversa opaci, perspicui & lucidi permutatione; vel ex varia luminis refractione & reflexione genitus. Lumen lucis comes individuus, & jugis proles, perspicui actus; lux & color opaci: hoc imaginem sui oculo dum imprimit, non solam qualitatem, qua aspectabile est, verum & magnitudinem, figuram, numerum, motum & quietem objicit (non unius sensus objecta) de quibus ut recte judicet visus, præ sui exilitate, vicinia aut distantia nimis, motus obscuritate, vel positu non è directo, hujus censuram non declinent, aut fugiant. Itaque mediij, vel objecti, non oculi vitium aliquod si efficiat, aliter quid à visu renuntari quam sit in rebus, ut si porticum parvis ubique latitudinis in altero extremo angustiores infamet: vel fixum palum in aqua inflexum aut fractum asserueret adversus conscientiam integritatis, prævaricationem illi exprobrare nefas est. Vel in valetudinem aut impotentiam, quod in minimis animalculis pabuli transmittendi, decoquendi defæcandique membra non apprehendat. Oculum componunt aut constituunt, tunicæ quinque, ligamenta varia, humor unus, corpora duo, venæ duæ, arteriæ totidem, nervus unus, spiritus insitus & influens. Ex tunicis sola cornea totum oculi bulbum investit, parte sua antica tenuior & translucida est, arachnoides lævissima, tenuissima externam crystallini superficiem dumtaxat regit, tora diaphana: illa ut emissitias lucis & coloris species transmittat, & quidem facilius, hæc ut cum crystallino admixtas & receptas infrænet ac sistat, non pœnitur semper, & sensu percipiat: utraque coloris venarum & arteriarum exfors, ut fideliter, cæteræ ne opacitate sua aditum illis occludant foramine perviæ sunt, & quidem inæquali. Extima candida maiorem iridis circulum efformat, uvea minore amphiblastroides crystallino omnino æqualem, priori maiorem. Solius mediij circuli una non est constansque amplitudo, ea nunc major, nunc minor, pro luminis & coloris intentionis occurfu, absentia vel spirituum appulsu: minor sit pupillæ coarctat.

major dilatatione, per illam accessus fit ad crystallinum: per hanc ab eo recessus: illa actio est, hæc non item, an pupilla res quædam inanis est? Nequaquam. Limbulus est membraneus, perinde ac iris latus, orbiculatis, in umbilico circulariter pertusus, vagus, nulli parti adhærens, uni rhagoeidi continuus: is crebris repentinis & contrariis cietur motibus, quibus ne uvea à cornea (cui per tenuia filamenta & exiles vasorum. struulos ubique conjungitur) divellatur, utramque atque copulavit natura ligamento lato, circulari, ab innumeris fibris rectis iisque brevibus admirabili serie adjectis firmiore, crepidine crassiori ad pupillæ extortum conversa, colore naturali, ab uvea quidem dissimili, adscititio plane simili, eoque fusco ad spirituum crystallini & vitrei corporum splendorem tuendum & conservandum. Amphiblistroides cerebri productio, officio tunica, non substantia, vitrei nutrix, nitoris illius munimentum, spiritus influentes in totum oculum diffundit, & eos rerum externarum sensatione imprægnatos ad cerebrum revehit, cum aranea tunica sic coit, ut non unio utriusque, sed continuïtas videatur, quam roborat ligamenti ciliaris per crepidinem coalius, ut reticularem per fibras omnes rectas adhæsus. Humor aqueus, tenuis, purus, limpidus, copiosus, lumen & rerum formas refringit à perpendiculari, ut corpus crystallinum sua rectum membrana διαφανές; διαμπερές, & καθαρόν, parte sua postica plane sphaericum, ἀκίνητον ἀ τῇ πρῶτῃ ὀφθαλμοῦ, oculi pars princeps ad perpendiculum, qua refractione in punctum desinente, lumen debilius magis unitur, roboratur, objectorum spectra vegetiora altius imprimuntur, impressa hærent & percipiuntur: si quando penitus non restitent, corpori vitreo ἀχρῶς, pellucido, sensus compoti, molliori quam sit crystallinum (cum quo visus societatem init,) insculpuntur, & ab eo sentiuntur, nec reflectuntur, sed in ejus mollitie contabescunt, paulatimque intercidunt. Nervus unus maximus plurima substantia medullati constat, per quam à quarto cerebri ventriculo spiritus influentes uberrimi derivantur. Vena & arteria duplex, interna una, externa altera, illa nervo optico accumbit, partemque oculi globo contentas alit; hæc externas: earum origo diversa; ligamentorum vices gerunt furculi venæ à plexu coroidæ, arteriæ à reti mirabili & membranarum stamina. Spiritus ingenitus igneus, lucidus, per vitreum & crystallinum quoque versum fusus, quicum influens ejusdem naturæ & indolis, non modo permiscetur, sed & in universum oculum dimanat, ut oculo affabre compacto & constituto, visus erroris & fallaciæ reus esse nequit: sic vel unius rei necessariæ carentia, vel ejus à naturali statu egressione hebescit, hallucinatur aut omnino intercipitur. Inter corporis partes nulla est, quæ tot morbis essentiâ, causâ, vel affectâ parte discretis sit obnoxia, eorum numerus sine numero: omnes tamen visus hebetudine, hallucinatione & cæcitate sese proferunt: hæc in ægros tantum cadit, illæ etiam in sanos ac valentes, hæc non unius morbi verum eorum omnium à quibus infertur signum est & affecta.

I I.

SI vitam lucis usus à morte distinguit cæcitas mortis quoddam genus est ipsa morte gravius, quæ doloris & ærumnarum sensum metumque omnem adimit, adeoque malorum portus, & optatum miseriorum effugium: illa acerbioris vitæ exordium & curriculum; hoc saltem solatio lenienda, quod si una est illius natura, non fors una. In visus (hoc est sensus cæteris dignitate, utilitate & certitudine antestantis) privatione omnimoda, vel imperfecta posita consistit; in hac lucis intentioris obscura est perceptio, in illa lucis & coloris nulla: utraque, sequitur morbi, cuius symptoma est, conditionem, qui si nec naturæ vi, nec artis operæ elui potest; nec illa desinet unquam: eo vero quacunque ratione sublato, ipsa protinus, ut umbra corpore opaco summo evanescit, cesset necessum est: utriusque siquidem par omnino ratio; utraque caligo est, hæc inchoata, densa illa &

absoluta: hæc corpus, illa morbum necessario consequitur; habet hæc à corpore, quod in rerum natura existat, à morbo illa: corpus ita hujus causa est, ut lumen concausam habeat; illa à morbo & illius parente sobolescit, at ab hoc interuentu morbi. utraque fluxa est & in perpetuo motu, quocirca ut sit, actuale causæ suæ influxum requirit, hinc est quod cæcitas tam arcto cum morbis à quibus orta procedit, nexu cohareat copuleturque ut nulla arte solui possint, imo nemente quidem abstrahi, quin ipsa protinus esse desinat.

III.

SANITATIS, morbi & intermediij status genus unum, constitutio stabilis non fugax partis, vel totius corporis, non humorum, quæ si ex natura legibus, sanitas est; si parum deffectat, status neuter, si multum morbus. Naturalis & morbose constitutionis ratio dispar, illa partis congruentem cuiusque naturæ & ætati temperiem desiderat concinnam ad usum, functionem, vel opus conformationem (quæ ex meatu, cavitare, læuitate aut asperitate constat) magnitudinem, numerum, situm, ac connexionem, ejus unitatem, & ad sensum ut & motum spiritum influentem à cerebro; huic vel unius horum vitium, vel defectus sufficit. Hinc morborum multitudo & varietas, quibus pars unaquæque oppetitur: quæ eo major est, quo pluribus ad obeundum munus suum opus habet. Naturalis constitutionis effectus & signum actionis integritas cum robore vel imbecillitate: morbose manifesta ejus læsio, quæ multiplex, gravissima ejus interceptio aut abolitio, quæ in oculo cæcitas, multorum & variorum morborum partus inauspicatus, plurimum inter se discrepantium, at in effectu (ratione tamen dissimili) in ægrorum perniciem consentiunt.

IV.

CÆCITATEM inferunt morbi, qui viam rerum externarum simulachris ad oculi bulbum vel præcipuum visus organum præcludunt. Ad illum utriusque palpebræ invicem cohalitus, vel cum corneâ tunicâ adhæsus & pterygium, non omne, (vetustum tutius hamo vellino suspensum rescatur, quam collyriis exedentibus absumitur.) Ad hoc leucoma *λευκωμα* (citam tunicâ corneæ ad iridis partem inferiorem sectionem postulat (uveæ procidentia, quæ multiplex, *μυκρο-φωσος* & *μυκρον*, *μυκρος* & staphyloma, hoc sine ragoidis prolapsu interdum est, & ab alio candore discernitur: ab his orta deformitas tollitur arctiore ligatura; summitatis amputatione vel triangulari vulnere inflicto ferro crassiore, acuto, trina acie instructo, punctim adacto: his visus non restituitur: (neque tamen promisque utendum) pupillæ phthisis, non quævis humorum confusio, cataracta decussu matura, omnis speciei orbicularis, re non item, cujus una non est generationis sedes, nec materia, color varius, figura multiplex, simplex vel gemina, nonnunquam in folliculum efformata liquorem lecti analogum continet. Is obex remouetur paracentesi oculi, acus ductu obliquo & sui infra vitreum depressione, quam non connexus aut adhærentia operosam facit, sed continuitas, & eo magis, quo plus induruit, lacerari non decuit totis debet. An liquor lacteus punctione vacuandus paulatim, prius quam cystis ejus acu deprimatur? An his effusus paulatim humorum *αλ. χυμω* excitabit? Equidem, at fugacem & ultro destitutam. Qui lucis aut colorum judicem de suo throno incauti deturbant, glaucomatis affinitate cum suffusione delusi errore prospero insciji benefaciunt nonnunquam. Nequeunt externa visus objecta imagines in crystallino delineare, humoris albuginei (in juvenibus naturâ non arte reparabilis effluxu, glaucomate, totius crystallini tabe ac squalore inemendabili, vel è propria sede dimotione conceptas non percipiunt sensiuntque crystallinum & vitreum spirituum influentium, ad visum edendum necessarium copia fraudata, vel partium omnium nobilissimæ morbis, qui spirituum ad externos sensus commearum intercludunt, vel cum à suâ constitutione natura.

li sic digressa est, ut nullos aut paucissimos cedere valeat, quemadmodum in brevi morituris, jam efficitur viribus, evenit. Vel nervi optici infarctu, ejus stegnotumore ab incubante tumore, aut substrato, vel à venâ & arteriâ illius comitibus nimio sanguine turgentibus, vel eo in partem cypitis posticam retracto ab abscessu, aut tumore aquoso partium adjacentium: vel in anticam sic producto, ut totus oculus altero longe major extra cavum orbitæ protuberet; vel concidentia, eo emollito, vel eo cum oculo subit, coarctato ab ariditate tantâ, ut & inibi duo corpora rotunda, oblonga, ossæ naturæ condescere possent, usus & visus nos docuerint, propositis modis omnibus visum præcipiunt totius oculi atrophiam, vel is sic erutus, ut illius effigies quædam aut vestigium tantum supersit. Morbi omnes visui officientes oculo merito adscribuntur, siue partes quibus insident ipsum component, siue non: horum alij partem unam afficiunt, ut leucoma: alij duas, ut itaphiloma: alij omnes, ut oculi atrophiam, alij nullam, & hi totius oculi morbi sunt, ut ἀπώχυμα & humorum confusio. Partes oculi alias uno morbo infestantur, ut cum crystallini nitor ac splendor in glaucum colorem degenerat: alias multiplici, cum id ipsum prorsus exaruit: tunc quippe ab ingenitâ defecit temperie, figura viriata, lævor corruptus, mutatus situs: hos omnes siue unius, siue variorum partium affectus sint, varios ac multiplices esse, sensus judicat, ratio confirmat.

V.

CÆCITATIS una est essentia, unius membri propria, homini cum brutis animantibus communis, non omnibus, non semper. Ejus species multiplex, perfecta vel imperfecta: à nativitate vel adventitia; ex longo temporis tractu contracta vel repente inducta: prævio morbo, eoque male morato, vel nullo: recens vel vetusta: tunicarum cæterarumque partium oculi nitore integro ac incolumi, vel eo temerato passim cū deformitate & ea impari curationem admittit, vel remediis medicis est ἀναστρέφεται. Ejus cujuscunque sit speciei & morbi, cujus infelix est soboles, fors una, quam sanguis plus æquo exuberans parit, ut & surditatem, soluit liberalis ejus evacuatio, naturæ robore concita vel arte molita. Ex lue venerea ortam ptyelismus, quidni & alterius morbi maligni consecrariam? ἐνυμπίσσει & ἐκνέμεται, tempestivus hidroticorum usus remedio esse potest, ut confirmato ἀποχρήματι una ἀφαιρέσις revera est. An homo solus emissio humore cæcitatem liberatur, quin potius occæcatur: ac visus juveni restituitur. Si quis hirundinum pullis etiamnum juveniculis oculos pupugerit, cæci fiunt, convalescunt & de novo visum recipiunt, non chelidonij majoris aut variorum calculorum, qui in nidis reperiuntur appositione. Serpentum catulis & hirundinum pullis erutos oculos renasci fabulosum est. Nervi optici ἀτίσπηξ & ejus contractio à siccitate nimia, vitrei & crystallini glaucoma & hujus tabes humorum κύρις pupillæ phtisis, proidentia: uvæ genus omne, corneæ albugo ex profunda cicatrice genita, totius oculi macies. Supra naturæ vires sunt & industriam humanam superant omnem. Horum uno morbo, vel altero, vel pluribus unam, vel plures partes ad oculum spectantes obfidentibus, perennis (aut aliis favientibus) temporarij carceris vicem subit corpus, & tenebroso horret situ, oculorum gratia ac splendore non affulgente.

Ergo cecitas individuis variorum morborum asseccla.

DOMINI DOCTORES DISPUTAVRI.

M. Reynaudus Vales.

M. Carolus Baralis.

M. Florimundus Langlois.

M. Claudius Berger.

M. Johannes Antonius Burgand.

M. Claudius le Vasseur.

M. Antonius de Santes.

M. Germanus Hurean.

M. Dionysius Tonquer, horri Regi Botanicus Professor.

Proponebat Lutetiæ FRANCISCUS VEZOV, Parisinus

A. R. S. H. M. DC. LXX.